

Uuktuqtipkainiq titiqqilirinirmut aimavingni

Titiiqqijuminaqhiviliurlutik

Aimavingni titiiqqidjuviliurnahuarlutit uuktuqpangita ikajuutiqariangitalu taiguaqattalirianginni imaalu aallanik atugakhaqalluaqanngittumi!

- **Kuinginailrumi.**
Taiguattiajuktullu ilaani ajukhaliqpaktut taiguarnahuaqtamingnik kuinginnaqpallaaqtuqaraangat.
- **Taiguagakhat pimmarikhaarlugit.**
Tutquumavikhaqaqtillugit aimavingni. Imaa qaujimapkaqtinniaqtat nutaqqatit taiguakhat taigualirnirlu ihumagilluarniqarmata.
- **Nunagijat aturnahuaqpaglugu.**
Taiguarviiqaqqat nunangni, upautiqatigivaglugu nutaqqat, imaalu upautiqatigivaglugu titiiqqiviliqaqqata upautiqatigivaglugu, unipkaariatuqaliqqat huqullariaqtuqaliqqat, qilaudjariaqtuqaqqallu Inuit ulapqiuhiinniluunniit ilauvagluhi.
- **Taiguaqpaluhi qujaginnaq.**
Puqtuhiqaqtunik taiguariami qujaginnaq nakuujuq ukuningga, taiguakhallu makpiqattaqtallu, tuhaagakhaliuqhimajullu, qaritaujaniittuniglu ingiurutillu titiraqhimajullu.
- **Unipkaaqpagluhi.**
Unipkaarnik qaujimajarnik unipkaaqpaglutit, apirivaglugu unipkaaquvaglugu ilihimajainik unipkaanngualiuqtitpaglugulu. Unipkaarivaglugit hapkuat unipkaat.



Aalliq takulugu →

Taiguqattaqqatigilugu nutarat

Taiguqatigigunni nutarat,
malikhugit taigujuummidjutikhat
taigujuummidjutauniarmata.

- **Nallikitaarlutik.** Taiguarvigilugu nutaraq, taiguqatigilugu nutaraq, nutarat taiguqtitpakkungni takupkaqpangniaqtaait taigujukhiliruhirminik.
- **Taiguqattarlugit taiguqtaqqit nibliuhiit.** Iitaripkarnahuarlugit titirait, nibliuhiit taivaglugit atuni atauttimiuruhiillu taivagiangita nipiqquqtujumik.
- **Akhuuqhimaittumik ihuaqhaquvaglugit.** Taiguqaqtillugu nutaraq uqaallaktaililitit ihuaqhautinahuaqtaililugu, kihimi ikajuqhimmahuarlugu taidjuhiinnik, titirainnik, tainiiniglu. Imaa nutarap takupkarniaqtaait qanuq ilitpalliaqtaminik.
- **Ihumagilluarlugit ajuirjuummidjuhianik, ihuinaaqpagait ihumagilluaqhimaittumik.** Ihumagilluarlugit ajuirjuummijainnik tuhaqtitpalugu, taimaa qanurunaarnaittumik nutaqqamut.

- **Apiqhuiqattaqpaglutit.** Taiguqaqtillutit taiguagakhamik, nutqangakaffukhimavaglutit apiqhuiqattariarni huligiakhait taiguqaqtamingni piksanilu hulijut. Imaa nutaraq ihumaliuqpangianganit taiguqaqtaminik kangiqhivalliarutiginiarmagu. Itqaumalutit, taiguagakhat titiraqhimajut ilinniarnirmut atajut, atuqtaaqtat uqauhiq ilihimalluaqtat uqariliraangapkit taiguqaqtait.
- **Taiguqaqtatit mihigimanahuarlugillu.** Pittaaqqat, atapkarniarlugit atuqhimajainnut nutaqqap. Imaatut, taiguagakhaq niqinut taiguagakhaliuqhimakpat, uqarilugit niqit nirivaktainik aimavingmingni.
- **Taiguatqiktaqhimmaarlugu.** Taiguatqiktaraangat taiguqaqtat nakuujuq. Taiguatqiktaqhimmaarniq taiguajukhijuummidjutaungmat.
- **Titirarlugu.** Taiguaghimmaaqtaililugu, titiranguaqtitpaglugu titiraita qaangagut tikianut titiqqamulluunniit. Pittaalaqikpata, aadjikkuhiuqtaaqtaait titirait tainiillu titiqqamut.